



Rimnada sistemática da dretg communal dalla vischnaunca da Sagogn

Nummera **8200.01.01**

Tetel **Regulativ d'uaul**

Ediziun Ediziun dils 13.05.1998
Remplazza ediziun dils 04.06.1980

Valeivel 07.07.1998

Remarcas preliminaras

Ord motivs da simplificaziun serefereschan indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 07.11.2017 tras Thomas Candrian

Cuntegn

I. Aschunta 1: Lenna da taxa	3
A En general	3
B lenna da diever (petiziun)	4
C lenna da brisch (sort)	5
II. Aschunta 2: uaul privat	6

I. Aschunta 1: Lenna da taxa

A En general

Noziun	Art. 1 ¹ Sco lenna da taxa vala la lenna da diever e la lenm da brisch che ve'n vendida dalla vischnaunca per prezi reduciu.
Dretg	Art. 2 ¹ La lenna da taxa vegn vendida als burgheis da vischnaunca che vivan en quella ed als Svizzers domiciliai en vischnaunca.
Damondas, termin	Art. 3 ¹ Damondas per obtener lenna da taxa ein d'inoltrar al selvicultur da reveir a scret tochen il termin publicau. Per la lenna da diever ei gl'intent dil diever d'indicar ed igl ei d'aschuntar ina gliesta da lenna. ² Igl gerau d'uaul decida davart las damondas.
Consigna	Art. 4 ¹ La lenna da taxa ei da pinar normalmein ord ils tagls ordinars u ord utilisaziuns sfurzadas. La consigna naven dalla cuscha ei scumandada.
Pinar e transport	Art. 5 ¹ La vischnaunca ei responsabla pil pinar e pil transport dalla lenna da taxa. Sch'ils retschaviders gidan a pinar e transportar la lenna, eis ei da menar las gliestas da paga corrispudentas, aschia ch'els ein segirai encunter accident via vischnaunca tras igl ISAA.
Termin per menar naven la lenna	Art. 6 ¹ La lenna ch'ei buca vegnida menada naven enteifer in onn, croda senza restituziun alla vischnaunca.

- Prezi da consigna **Art. 7**
1 Il prezi da consigna che secumpona dalla taxa e dils cuosts per pinar, vegn fixaus dalla suprastanza communal. La taxa munta per burgheis silmeins a 40 pertschien, per domiciliai silmeins 50 pertschien dalla valeta da commerci dalla lenna.
- Liug da diever/commerci /brat **Art. 8**
1 La lenna da taxa astga vegnir duvrada sulettamein sil territor dalla vischnaunca. Il commerei cun lenna da taxa ei scumandaus.
- Reclamaziuns **Art. 9**
1 Eventualas reclamaziuns concernent quantidad e qualidad ein da far a scret avon che la lenna vegn menada naven, sil pli tard denton 14 dis suenter la repartiziun e quei agl uffeci forestal da revier. Suenter quei termin croda, cun excepziun da munclaments zuppai, la responsabladad dalla vischnaunca.

B lenna da diever (petiziun)

- Quantidad d'acquist **Art. 10**
1 Per baghetgs novs e renovaziuns sco era per reparaturas sa vegnir retratg durant ina perioda da 20 onns ils suandonts quantums da lenna:

- | | |
|-------------------------------------|-------------------|
| a) per ina casa | 30 m ³ |
| b) per ina casa da pliras famiglias | 40 m ³ |
| c) per in clavau | 30 m ³ |
| d) per annexas | 10 m ³ |

2 Sch'il tagli annual pretenda, sa quella quantidad vegnir reducida. Sch'ei vegn duvrau per in project da baghegiar dapli lenna, sa quei volumen supplementar vegnir retratgs pil prezi da commerci.

- Sort da lenna **Art. 11**
1 Pil solit vegn ei consignau lenna da pégn. La suprastonza decida davart la consigna d'autras sorts lenna.
- Restricziuns **Art. 12**
1 Per projects da baghegiar subvenziunai vegn ei buca consignau lenna da taxa.
- Diever **Art. 13**
1 La lenna da diever retratga ei da duvrar enteifer dus onns per igl intent lubiu. Per lenna che vegn buca duvrada conform al termin u ch'ei vegnida duvrada per in auter intent eis ei da pagar ultra dalla multa la differenza dil prezi da commerci cumplein.
- Midada da maun **Art. 14**
1 Tgi che venda ina casa baghegiada cun lenna da taxa enteifer 20 onns ad in jester, ha da pagar la differenza dil prezi da commerci cumplein. Decisiva ei la valeta actuala.

C lenna da brisch (sort)

- Quantitad **Art. 15**
1 Mintga tenercasa ha il dretg da retrer annualmein 2 - 4 m³ lenna da brisch.
- Consigna **Art. 16**
1 La consigna succeda en fuorma da lenna liunga sper via d'uaul carrabla.
- Termin **Art. 17**
1 Il termin da consigna vegn fixaus dil selvicultur da revier e publicaus el fegl uffical.
- Prezi **Art. 18**
1 Il prezi da consigna vegn fixaus dalla suprastonza communal.

II. Aschunta 2: uaul privat

Damonda da
pinar lenna

Art. 19

¹ Damondas da pinar lenna egl uaul privat ein d'inoltrar al selvicultur da revier. Per lenna da commerci ni pil agien diever che survargan 3 m³ per hectara ad onn drova ei ina lubientscha digl uffeci forestal circuital.

Lenna derscha

Art. 20

¹ Lenna derscha ei da pinar continuadamein. Sch'il possesur desista da subvenziuns pil pinar, vala la limita digl art. 5 buca.

Indemnisaziun

Art. 21

¹ La vischnaunca sa pretender ina contribuziun commensurada per la lavur dil selvicultur da revier en uauls privats.

Access

Art. 22

¹ Igl access en uauls privats ei tenor art. 669 cudisch da lescha civil lubius a mintgin.

Ediu tras			
Acceptau tras	radunonza communal	ils	13.05.1998
Controllau tras	Regenza dil cantun GR	ils	07.07.1998
Igl exemplar suttascrets ei disponibils sin canzlia communal.			